

Message Six

Hkristu hta nga nga ai Mäsum längai Kärai gaw anhtē a myit mäsin ni hta htoi tu ai mārang ē anhtē hpang de asak rai nga ai lam

Htina chyumdaw 2Ko.4:4, 6-7, 3:18, Mat.17:2, Ehp.5:8-9, Shr.22:4a, 5b, 21:23.

- I. “Kārai Kasang a hkrang bung sumla ngu ai, Hkristu a hpung shing kang rawng ai kabu gara shiga a nhtoi gaw, n kam n sham ai ni hta n htoi tu u ga she, ndai mungkan ga na Hpara gaw, shanhte a myit mang ai hku shakyaw shamak kau ya manu ai” -2Ko.4:4.**
- A. Ndai prat a Hpara rai nga ai Satan gaw nkamsham ai ni a sawn sum ru ai lam ni hte nyan ni hpe shākyaw shāmak ya mānu ai, dai hku nna Hkristu a hpung shing kang kābu gāra shiga nhtoi gaw shanhtē a myit mäsin ni hta htoi tu lu ai lam n-nga mat ai.
1. Shākyaw shāmak hkrum ai (snr) māgap hkrum ai ni gaw, shanhtē māhtang hpa hpe mung n-nawku ga ai ngu nna htang la ma ai, teng sha nga yang shanhtē a Hpara gaw Satan rai nga ai.
 2. Kärai kätä myit jāsāt nga ai ni gaw shanhtē hpa gālaw nga ma ai hpe pi nchye kau dat ai sha Satan hpe nawku nga ma ai.
 3. Daini māsha law mālawng gaw ndai prat a Hpara ni a mārang ē myi shākyaw shāmak kau ai hkrum mānu ai.
- B. Kärai Kāsang a hkrang bung sumla ngu ai Hkristu gaw Mädu a hpung shing kang nhtoi htoi tu ai lam rai nga ai. Dai mājaw Hkristu a kābu gāra shiga ngu ai gaw anhtē a myit mäsin ni hta htoi tu ai, nhtoi shālawt dat ai, htoi kābrim nga ai Mädu hpung shing kang a kābu gāra shiga rai nga ai.
- C. Hkristu a hpung shing kang kābu gāra shiga gaw shāman chyēju hkam la lu ai Kärai Kāsang hpung shing kang a kābu gāra shiga rai nga ai- 1Tm.1:11.
- D. Hkristu hta Kärai Kāsang a asak hte mābyin mäsa hpe Kärai Kāsang a hkrang shaw la hkrum ai māsha ni a kätä de kārān kāchyan ya ai mārang ē, Hkristu a hpung shing kang kābu gāra shiga gaw Kärai Kāsang a hpung shing kang hpe htoi tu kābrim shāngun ai, dai hta Kärai Kāsang gaw Mädu a māsha ni a kā-ang hta shāman chyēju hkam la wu ai- Heb.1:3, Ehp.1:3, 6,12, 14.
- II. “Nsin hta na nhtoi htoi na ra ai, nga nna tsun ai Karai Kasang gaw, Hkristu a myi man kaw na Karai kasang a hpung shing kang a chye chyang ai nhtoi hpe shapraw ya lu u ga she, anhte a kraw lawang e jahtoi ya ma ni ai” -2ko.4:6.**
- A. Anhtē a myit mäsin ni hta Kärai Kāsang a htoi tu ai lam gaw Yēsu Hkristu a myi man hta nga ai Kärai Kāsang a hpung shing kang hpe chyē chyang ai a nhtoi htoi tu ai lam hpe pru wa shāngun ai, dai gaw Hkristu a kābu gāra shiga hta Kärai Kāsang a hpung shing kang hpe chyē chyang ai a htoi tu ai lam hta rai nga ai -kāji.4, 6.
- B. Kärai Kāsang a hpung shing kang hpe chyē chyang ai a htoi tu ai lam gaw Yēsu Hkristu a myit man hta rai nga ai. Da ndai hta Hkristu a hpung shing kang kābu gāra shiga gaw Myi man hta Kärai Kāsang a hpung shing kang hpe anhtē mu lu sāga ai tsawra ai Mārai hkum wa nan rai nga ai hpe mādi mādun ai- kāji.4,6, Mat.17:2.
- C. Yēsu Hkristu a Myi man hta dan dawng htoi tu ai Kärai Kāsang a hpung shing kang gaw Kärai Kāsang hpung shing kang a nhtoi htoi tu ai lam rai nga ai Yēsu Hkristu kaw nna dan dawng ai hpung shing kang a Kärai Kāsang rai nga ai. Mädu hpe chyē chyang ai lam gaw hpung shing kang a Kärai Kāsang hpe chyē chyang ai lam rai nga ai- Ksa.7:2, Heb.1:3.
- D. Kärai Kāsang gaw anhtē a myit mäsin ni hta htoi tu ai lam nga māgang, anhtē gaw kāga ni a ntsa htoi tu ai lam nga māgang rai nga ai, dai hku nna shanhtē gaw Yēsu Hkristu a myi man hta, māga mi hku nna nga yang Kärai Kāsang hpe shādan shādawng shāngun nna, shaw mādun ai Mädu Hkristu hpe chyē chyang ai lam hta Kärai Kāsang a hpung shing kang hpe chyē chyang ai lam nga wa lu na rai nga ai. Hkristu a hpung shing kang kābu gāra shiga gaw

shawng nnan anhtē kāta de htoi tu nna, dai hpang anhtē a kāta kaw nna bai htoi tu wa ai lam rai nga ai -Yhn.1:18, Mat.5:16, Ehp.2:15.

III. “Rai timung, dai chyahtum chyalai re ai n-gun atsam gaw anhte kaw na n re ai sha, Karai Kasang kaw na pru nga u ga she, ndai sutgan gaw, ga dibu hta sha anhte rawng da gaw ai”- 2Ko.4:7.

A. Hkristu a hpung shingkang kābu gāra shiga htoi tu ai lam kaw nna chyahtum chyalai re ai mānu dan ai sutgan hku nna hpung shingkang a Hkristu gaw kamsham ai ni hkap la lu sāga ai. Ya Māsum lāngai Kārai a hkum dan dawn ai lam hte shādan shālang ai lam rai nga ai Hkristu htoi tu ai lam a jet ai lam gaw anhtē kāta hta ē mānu dan ai sutgan rai nga ai -kāji.6, 7.

1. Anhtē a myit māsin ni hta Kārai Kāsang a kāran kāchyan ai lam rai nga ai Kārai Kāsang a htoi tu ai lam gaw anhtē kāta de mānu dan ai sutgan ngu ai yawng māyawng lawm ai Hkristu, anhtē a asak hte yawng māyawng byin na mātu asak jaw ai Wēnyi hku nna Māsum lāngai Kārai a hkum dan dawn ai Mādu hpe la sa wa ya ai. -kāji.4, 6-7, Kol.2:9, 3:4, 11, 1Ko.15:45b.

2. N dai mānu daw dan nlu ai sutgan rai nga ai shānu nga ai Hkristu gaw Hkristan asak hkrung lam a mātu mādi shādaw hpa- Kārai hte seng ai ru npawt rai nga ai- Ehp.4:13, 2Ko.13:5, 4:7.

B. N dai mānu daw dan nlu ai sutgan gaw gayun bang hpa ni rai nga ga ai anhtē hpe mānu daw dan nlu ai amu māgam hte ga shāka ningnan tāra a māgam gun ni byin shāngun sai. N dai lam gaw hkrung rawt ai lam hta Kārai hte seng ai hpung shingkang a mārang ē rai nga ai. N dai hpung shingkang a chyahtum chyalai re ai lam gaw teng sha nan Kārai Kāsang hte sha seng nna, anhtē kaw nna pru wa ai nr ai nga ai. -3:6, 1:9, 4:7.

C. Anhtē a htoi tu ai a mārang ē hpung shingkang a kābu gāra shiga tāra hpe hkap la lu ai ni gaw, shanhtē a kāta de kāran kāchayn hkrum ai mānu dan ai sutgan hku nna Hkristu hpe hkap la lu ma na rai nga ai. Dai hpang anhtē ni zawn nan shanhtē mung ndai mānu daw dan nlu ai sutgan hpe bang hkam da ai ga yun bang hpa ni byin wa ma na rai nga ai -kāji.4, 6-7.

IV. “Dai rai nna anhte yawng gaw man magap hpaw kau sai myi man ni hte dai Madu a hpung shingkang a shingna hpe bai nhtang htawng madun nga ga ai. Dai hpung shingkang nan wenyi ngu ai Madu kaw na du sa nna Madu hte grau grau bung jat wa ai hpung shingkang maga de anhte hpe galai shai wa shangun mi ai.” -3:18.

A. Mādu Kārai a hpung shingkang hpe māda yu ai lam gaw anhtē nan Mādu Kārai hpe mu māda lu ai lam rai nga ai. Mādu Kārai a hpung shingkang a shingna hpe bai nhtang htawng madun ai lam gaw anhtē kaw nna Mādu hpe kāga ni hpang mu shāngun ai lam rai nga ai.

B. Mādu Kārai a hpung shingkang gaw hkrung rawt ai, lung mat sai Hkristu a hpung shingkang rai nna, Mādu gaw anhtē ni hta shānu nga ai asak jaw ai Wēnyi hku nna tinang nan hte Mādu ngut kre lai sai yawng, awng dang mādu da ai yawng, lu la da ai yawng hpe anhtē ni hpang jet wa shāngun ai Mādu rai nga ai, dai hku nna anhtē gaw Mādu hte lāngai sha byin wa lu na rai nna, Mādu Kārai zawn nan bung pre ai hkrang nsam kāta de hpung shingkang kaw nna hpung shingkang kāta de hkrang nsam gālai shai ai lam nga wa lu na rai nga ai. N dai lādat hte Mādu gaw anhtē hpe Mādu zawn nan bung wa shāngun na rai nga ai- Luk.24:46, Heb.2:9, 2Ko.3:18, Rom.8:29.

C. N dai lam gaw hkrung rawt ai hta ē asak hta byin pru nga ai byin yan rai nga ai -2Ko.3:18.

V. “Moi shawng de nanhte mung ningsin hta nga lai wa yu manit dai; rai ti mung ya e Madu a masha ni tai wa manit dai rai nna nhtoi de du shang manit dai. Dai re ai majaw, nanhte gaw nhtoi a kashu kasha ni zawn hkan galaw nga mu” -Ehp.5:8.

A. Kārai Kāsang gaw nhtoi rai nga ai hte māren Kārai Kāsang a kāsha ni rai nga ai anhtē gaw nhtoi a kāsha ni rai ga ai- 1Yhn.1:5, Ehp.5:8, Yhn.12:36.

B. Anhtē gaw nhtoi a kāsha ni rai nga ai sha n-ga -anhtē gaw nhtoi nan mung rai ga ai. Anhtē gaw nhtoi rai nga ai gaw anhtē Mādu Kārai hta Kārai Kāsang hte lāngai sha rai nga ga ai majaw rai nga ai -Mat.5:14, 1Yhn.1:5.

- C. Anhtē gaw nhtoi hta nga nga ai shāloi, jaw ai hte shut ai shingwang a shinggan hta nga nga ga ai -kăji.7.
- D. Anhtē gaw nhtoi a kăsha ni hku nna hkawm sa na rai yang Ehp.5:9 hta hpaw mādun da ai asi si ai lam nga wa na rai nga ai.
 - 1. Nhtoi a asi gaw măbyin măsa hta mai kăja ai lam, byin yan hta dinghpring ai lam hte dan dawn ai lam hta tengman ai lam nga ra na rai nna, anhtē shāni shāgu hkawm sa ai lam a jet ai hku nna Kărai Kăsang gaw dan dawng ai lam nga ra ai.
 - 2. Mai kăja ai lam, ding hpring ai lam hte tengman ai lam hta nga ai nhtoi a asi gaw Măsum lăngai Kărai hte mătut mănoi nga ai.
 - a. Mai kăja ai lam hku nna Kăwa Kărai gaw nhtoi a asi măbyin măsa rai nga ai. Dai măjaw kăji.9 hta na mai kăja ai lam gaw Kăwa Kărai Kăsang hpe mădi mādun ai - Mat.19:17.
 - b. Ding hpring ai lam gaw Kăsha Kărai hpe mădi mādun ai, hpa măjaw nga yang Hkristu gaw Kărai Kăsang a ding hpring ai byin yan hku nan Kărai Kăsang a yaw shāda lam hpe ngut kre hpring tsup shāngun na mătu yu sa wa ai măjaw rai nga ai -Rom.5:17-18, 21.
 - c. Nhtoi a asi dan dawng ai lam rai nga ai tengman ai lam gaw Wēnyi Kărai Kăsang hpe mădi mādun ai, hpa măjaw nga yang Mădu gaw tengman ai a Wēnyi rai nga ai măjaw rai nga ai. -Yhn.14:17, 16:13.

VI. “Shanhte gaw, shi myi man hpe ayu mada nga lu na mara ai rai nna, ---- dai Madu Karai Kasang gaw shanhte hpe nhtoi jaw na mu ai” Shr.22:4a, 5b.

- A. Kărai Kăsang hte Săgu kăsha a myi man hpe mu mada ai lam gaw htani htana prat dingsa Kărai Kăsang a hkrang shaw hkam ni kăbu găra lu ai Măsum lăngai Kărai a shāman chyēju rai na ra ai -kăji.4a.
- B. Săgu kăsha hta Kărai Kăsang nan gaw anhtē a ntsa ē htoi tu na rai nna, anhtē gaw Mădu a hpung shingkang dan dawng ai nhtoi htoi tu ai a npu hta htani htana prat dingsa asak hkrung lu na rai ga ai- kăji.5b, 21:23.